

Član 7.  
(Dopuna člana 15.)

U članu 15. u stavu (1) iza alineje e) dodaje se alineja f) koja glasi:

"f) da za junad iz vlastitog uzgoja na farmi posjeduje minimalno jednu kravu po junetu koje uvodi u tor."

Član 8.  
(Dopuna člana 16.)

U članu 16. iza stava (3) dodaju se st. (4) i (5) koji glase:

"(4) Službenici Odjeljenja na licu mjesta utvrđuju brojno stanje ovaca, provjeravaju da li su životinje obilježene u skladu sa Pravilnikom o obilježavanju i kontroli kretanja životinja u Bosni i Hercegovini ("Službeni glasnik BiH", br. 13/10, 79/10 i 52/15), te za 5% od ukupnog broja životinja izvršiti očitavanje usnih markica na životinjama i prekontrolisati da li se brojevi očitani na životinjama slažu sa brojevima navedenim u potvrđi A11.

(5) Brojno stanje muških janjadi starijih od 6 (šest) mjeseci može biti maksimalno 50% od ukupnog broja osnovnog stada ovaca."

Član 9.  
(Dopuna člana 20.)

U članu 20. u stavu (1) iza alineje b) dodaje se alineja c) koja glasi:

"c) da kandidat dostavi potvrdu od nadležne općine o posjedovanju objekta za inkubacijsku proizvodnju pilića sa navedenom površinom i lokacijom objekta."

Član 10.  
(Izmjena člana 23.)

U članu 23. stav (1) u tački b) broj: "20" zamjenjuje se brojem: "100".

Član 11.  
(Dopuna člana 31.)

U članu 31. iza stava (2) dodaje se stav (3) koji glasi:

"(3) Kandidat treba dostaviti potvrdu izdatu od nadležne općine o posjedovanju objekta za uzgoj gljiva sa navedenom površinom i lokacijom objekta".

Član 12.  
(Dopuna člana 32.)

U članu 32. iza stava (2) dodaju se st. (3) i (4) koji glase:

"(3) Kandidat treba da dostavi dokaz o zastupljenoj proizvodnji za koju podnosi zahtjev za certifikaciju, odnosno za biljnu proizvodnju - ZK izvadak i skicu parcela na kojima je zasnovana proizvodnja sa naznačenim kulturama koje su zastupljene kao organska proizvodnja, a kod animalne proizvodnje A11 obrazac.

(4) Kandidat ne može na istoj parceli to jest na istoj k.č. ostvariti pravo na novčani podsticaj za konvencionalnu i organsku proizvodnju u tekućoj godini."

Član 13.  
(Dopuna člana 33.)

(1) U članu 33. u stavu (1) iza alineje c) dodaje se alineja d) koja glasi:

"d) ovjerenu izjavu da objekat neće prodati niti mu promijeniti namjenu najmanje 5 (pet) godina od izgradnje.

(2) U stavu (3) iza alineje c) dodaju se alineje d) i e) koje glase:

"d) zapisnik o iskolčenju objekta.

e) ovjerenu izjavu da objekat neće prodati niti mu promijeniti namjenu najmanje 5 (pet) godina od ostvarivanja podsticaja".

Član 14.  
(Stupanje na snagu)

Ovaj pravilnik stupa na snagu osmog dana od dana objavljivanja u "Službenim novinama Kantona Sarajevo".

Broj 07-05-02-18061  
09. maja 2017. godine  
Sarajevo

Ministar  
Dr. Muharem Šabić, s. r.

**Ministarstvo za rad, socijalnu politiku,  
raseljena lica i izbjeglice**

Na osnovu čl. 66. st. 1. i 2. i 68. stav 3. Zakona o organizaciji organa uprave u Federaciji Bosne i Hercegovine ("Službene novine Federacije BiH", br. 35/05), čl. 59., 60., 61., 62. i 65. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09 i 45/16) i čl. 12., 13. i 170. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst i 38/16), ministrica za rad, socijalnu politiku, raseljena lica i izbjeglice Kantona Sarajevo donosi

**INSTRUKCIJU**

**O IZNOSIMA NOVČANIH DAVANJA PO ZAKONU O  
SOCIJALNOJ ZAŠTITI, ZAŠTITI CIVILNIH ŽRTAVA  
RATA I ZAŠTITI PORODICE SA DJECOM**

**I - OSNOVNE ODREDBE**

Član 1.

1. Osnov za utvrđivanje novčanih i drugih materijalnih davanja vezano za socijalnu zaštitu i zaštitu porodice sa djecom po Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst i 38/16) (u daljem tekstu: Zakon) je prosječna neto plaća ostvarena u Kantonu Sarajevo u prethodnoj (2016) godini pomnožena sa odgovarajućim koeficijentom, koja prema Uredbi o visini koeficijenta za obračun prosječne neto plaće ostvarene u Kantonu Sarajevo u 2016. godini donesenoj od strane Vlade Kantona Sarajevo, ("Službene novine Kantona Sarajevo", broj 14/17) iznosi 600,00 KM (u daljem tekstu: prosječna neto plaća).
2. a) Osnov za utvrđivanje novčanih davanja i iznosa po osnovu zaštite civilnih žrtava rata: lična invalidnina, dodatak za njegu i pomoć od strane drugog lica, ortopedski dodatak i porodična invalidnina je Odluka o utvrđivanju osnovice za određivanje visine mjesečnih novčanih naknada korisnika boračko-invalidske zaštite u Federaciji Bosne i Hercegovine (invalidnina), za 2017. godinu ("Službene novine Federacije BiH", broj 23/17) i iznosi 867,50 KM.  
b) Osnovica iz tačke a) mjesečno se usklauđuje sa koeficijentom za usklauđivanje visine mjesečnih novčanih primanja korisnika boračko-invalidske zaštite u Federaciji BiH, koji donosi Vlada Federacije BiH.  
c) Osnovica za obračun novčanih davanja i iznosa po osnovu zaštite civilnih žrtava rata: lična invalidnina, dodatak za njegu i pomoć od strane drugog lica, ortopedski dodatak i porodična invalidnina obračunava se u visini od 70% mjesečnih novčanih primanja korisnika boračko-invalidske zaštite u Federaciji BiH i iznosi 586,15 KM, a utvrđuje se na slijedeći način:
  - Osnovica za korisnike boračko-invalidske zaštite . . . . . = 867,50 KM,
  - Koeficijent za usklauđivanje . . . . . = 0,965257,
  - Osnovica za isplatu mjesečnih novčanih primanja . . . . . = 837,36 KM, korisnika boračko-invalidske zaštite (867,50 KM X 0,965257 = 837,36 KM)

- Osnovica za korisnike civilnih žrtava rata . . . . . = 586,15 KM.  
(837,36 KM X 70 % = 586,15 KM)

- d) Sredstva za isplatu novčanih davanja i iznosa po osnovu zaštite civilnih žrtava rata obezbjeđuju se: za ličnu invalidninu u omjeru 70% iz Federalnog budžeta i 30% iz Budžeta Kantona po Zakonu o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", broj 14/09), a za dodatak za njegu i pomoć od drugog lica, ortopedski dodatak i porodičnu invalidninu iz Federalnog budžeta (50%) i Kantonalnog budžeta (20%) po Zakonu o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09 i 45/16), (u daljem tekstu: Federalni zakon).

## II - SOCIJALNA ZAŠTITA

### Član 2.

#### 1. Stalna novčana pomoć

- a) Iznos najnižeg primanja domaćinstva koji se smatra dovoljnim za izdržavanje jednočlanog domaćinstva je 120,00 KM, a za svakog narednog člana domaćinstva ovaj iznos se uvećava za 12,00 KM.
- b) Za domaćinstva iz člana 18. stav 2. Zakona, iznos najnižeg primanja domaćinstva koji se smatra dovoljnim za izdržavanje jednočlanog domaćinstva se uvećava za svako lice iz člana 27. Zakona.
- c) Iznos stalne novčane pomoći za jednog člana domaćinstva iznosi 120,00 KM, a za svakog narednog člana domaćinstva ovaj iznos se uvećava za 12,00 KM.
- d) Iznos stalne novčane pomoći za lica iz člana 27. Zakona, uvećava se za 30% iznosa koji se smatra dovoljnim za izdržavanje jednočlanog domaćinstva i za jednog člana domaćinstva iznosi 156,00 KM.

#### 2. Novčana naknada za pomoć i njegu od strane druge osobe

- a) Visina novčane naknade za pomoć i njegu od strane druge osobe u smislu člana 27. Zakona, pod uvjetom da prihodi po članu domaćinstva ne prelaze 40% prosječne neto plaće (240,00 KM) iznosi . . . . . 90,00 KM

#### 3. Druge materijalne pomoći

Jednokratna novčana pomoć dodjeljuje se korisniku u okviru jednog domaćinstva najviše tri puta u toku kalendarske godine, u ukupnom iznosu koji ne prelazi visinu izuzetne novčane pomoći iz člana 34. Zakona.

- a) Jednokratna novčana pomoć se dodjeljuje do visine 20% prosječne neto plaće . . . . . 120,00 KM
- b) Izuzetna novčana pomoć se dodjeljuje do visine 40% prosječne neto plaće . . . . . 240,00 KM

#### 4. Osposobljavanje za život i rad

Novčana naknada za vrijeme čekanja na zaposlenje u smislu čl. 42. i 44. Zakona iznosi . . . . . 120,00 KM

#### 5. Smještaj u drugu porodicu

Naknada za smještaj u drugu porodicu utvrđena je u visini 80% cijene smještaja u odgovarajuću ustanovu socijalne zaštite i to:

- a) smještaj djece u drugu porodicu . . . . . 476,00 KM
- b) smještaj starih lica koja su pokretna u drugu porodicu . . . . . 325,60 KM
- c) smještaj starih lica koja su nepokretna u drugu porodicu . . . . . 501,60 KM
- d) smještaj lica sa invaliditetom koja su pokretna u drugu porodicu . . . . . 376,00 KM
- e) smještaj lica sa invaliditetom koja su nepokretna u drugu porodicu . . . . . 536,00 KM

#### 6. Smještaj u ustanovu socijalne zaštite

Cijena usluga koje pruža socijalna ustanova utvrđena je Zaključkom Vlade Kantona Sarajevo posebno za svaku ustanovu.

#### 7. Kućna njega i pomoć u kući

Kućna njega i pomoć u kući odobrava se u skladu sa članom 59. do zaključno sa članom 63. Zakona, a iznos je utvrđen Zaključkom Vlade Kantona Sarajevo.

#### 8. Zdravstvena zaštita

Zdravstvena zaštita za korisnike stalne novčane pomoći i lica iz člana 146. Zakona, po prijavljenom licu iznosi 20,00 KM

### III - ZAŠTITA CIVILNIH ŽRTAVA RATA

#### Član 3.

U skladu sa Instrukcijom Federalnog ministarstva rada i socijalne politike broj: 06-41/3-2214/13 od 06.08.2013. godine vršit će se isplata novčanih naknada kako slijedi:

#### 1. Lična invalidnina

Lična invalidnina utvrđuje se u mjesečnom iznosu prema grupi oštećenja organizma u visini od 70% od mjesečnog iznosa lične invalidnine vojnog invalida odgovarajuće grupe po propisima o vojnim invalidima odgovarajuće grupe po propisima iz Zakona o pravima branilaca i članova njihovih porodica, izuzev za lica iz člana 54. stav 3. Federalnog zakona, kako slijedi:

I grupa CŽR sa 100% oštećenja organizma	586,15 KM
II grupa CŽR sa 100% oštećenja organizma	427,89 KM
III grupa CŽR sa 90% oštećenja organizma	322,39 KM
IV grupa CŽR sa 80% oštećenja organizma	252,04 KM
V grupa CŽR sa 70% oštećenja organizma	187,57 KM
VI grupa CŽR sa 60% oštećenja organizma	105,50 KM

Mjesečno lično novčano primanje za lica iz člana 54. stav

3. Federalnog zakona, prema članu 59. stav 2. istog Zakona iznosi 70% od osnovice za isplatu mjesečnih novčanih primanja korisnika boračko - invalidske zaštite, i iznosi . . . . . 586,15 KM

#### 2. Dodatak za njegu i pomoć od strane drugog lica

Dodatak za njegu i pomoć od strane drugog lica za civilne žrtve rata od I do IV grupe invalidnosti koji su nesposobni za vršenje osnovnih životnih potreba bez pomoći drugog lica utvrđuje se u mjesečnom iznosu u visini od 70% od mjesečnog iznosa dodatka za njegu i pomoć od strane drugog lica za ratne vojne invalide odgovarajućeg stepena invalidnosti, kako slijedi:

Dodatak za njegu i pomoć I stepena 100%	586,15 KM
Dodatak za njegu i pomoć II stepena 70%	410,31 KM
Dodatak za njegu i pomoć III stepena 50%	293,08 KM

#### 3. Ortopedski dodatak

Ortopedski dodatak utvrđuje se u mjesečnom iznosu u visini od 70% od mjesečnog iznosa ortopedskog dodatka za ratne vojne invalide odgovarajućeg stepena invalidnosti, kako slijedi:

Ortopedski dodatak I stepena 29%	169,98 KM
Ortopedski dodatak II stepena 22%	128,95 KM
Ortopedski dodatak III stepena 17%	99,65 KM

#### 4. Porodična invalidnina

- a) Osnovica za određivanje porodične invalidnine iznosi 70% od osnovice za određivanje porodične invalidnine za porodice šehida, odnosno poginulog borca, kako slijedi:
  - Za jednog člana porodice 43% (član 65) . . . . . 252,04 KM
  - Za dva člana porodice 55% (član 65) . . . . . 322,39 KM
  - Za tri člana porodice 60% (član 65) . . . . . 351,69 KM
  - Za četiri i više članova porodice 65% (član 65) 381,00 KM
- b) Porodična invalidnina za korisnike u 2017. godini čiji prihod prelazi iznos prosječne neto plaće ostvarene u Federaciji BiH u 2016. godini (839,00 KM) iznosi:
  - Za jednog člana porodice - 50% (čl. 65a) . . . . . 126,02 KM
  - Za jednog člana porodice +50% (čl. 67) . . . . . 378,07 KM

Za jednog člana porodice - 50% (čl. 66)-50%(čl. 65a) . . . . .	63,02 KM
Za dva člana porodice 55% . . . . .	161,19 KM
Za tri člana porodice 60% . . . . .	175,86 KM
Za četiri člana porodice i više 65% . . . . .	190,51 KM
Za dva člana porodice +50% (čl. 67. stav 2) . . . . .	483,56 KM
Za dva člana porodice +50% (čl. 67)-50% (čl. 65a) . . . . .	241,78 KM

**5. Zdravstvena zaštita po prijavljenom licu 20,00 KM****IV - ZAŠTITA PORODICE SA DJECOM**

## Član 4.

**1. Dodatak na djecu**

- Maksimalan prihod korisnika po članu domaćinstva kao uslov za ostvarivanje prava na dječiji dodatak (20% od prosječne neto plaće, član 133. stav 1. Zakona) . . . . . 120,00 KM
- Iznos dječijeg dodatka (5,5% od prosječne neto plaće, član 133. stav 2. Zakona) . . . . . 33,00 KM
- Iznos uvećanog dječijeg dodatka (član 136. Zakona) . . . . . 49,50 KM

**2. Naknada plaće ženi-majci u radnom odnosu**

- Naknada plaće ženi-majci koja najmanje 12 mjeseci prije odlaska na porodiljsko odsustvo ima zaključen ugovor o radu ili rješenje o zasnivanju radnog odnosa i prijavu na obavezno osiguranje po osnovu radnog odnosa iznosi 60% od prosječne plaće . . . . . 360,00 KM
- Naknada plaće ženi-majci ne može biti manja od najniže plaće u Federaciji Bosne i Hercegovine, koja se obračunava u skladu sa Općim kolektivnim ugovorom za teritoriju Federacije Bosne i Hercegovine ("Službene novine Federacije BiH", broj 48/16), (u daljem tekstu: najniža plaća).
- Naknada plaće ženi-majci koja manje od 12 mjeseci prije odlaska na porodiljsko odsustvo ima zaključen ugovor o radu ili rješenje o zasnivanju radnog odnosa i prijavu na obavezno osiguranje po osnovu radnog odnosa, utvrđuje se u iznosu 30% prosječne plaće . . . . . 180,00 KM

d) Visina naknade plaće ženi-majci po isteku ugovora o radu na određeno vrijeme (30% od prosječne plaće) . . . . . 180,00 KM

e) Visina naknade plaće ženi-majci koja rodi mrtvo dijete ili dijete umre prije isteka porodiljskog odsustva ostvaruje se u iznosu najniže plaće.  
Na iznos naknade plaće ženi-majci uplaćuju se doprinosi PIO, zdravstvo i osiguranje od nezaposlenosti i izmiruju poreske obaveze u skladu sa zakonom.

**3. Novčana pomoć ženi-majci koja nije u radnom odnosu**

- Visina novčane pomoći ženi-majci koja nije u radnom odnosu ili se nalazi na redovnom školovanju (30% od prosječne plaće) . . . . . 180,00 KM
- Visina novčane pomoći ženi-majci koja rodi mrtvo dijete ili dijete umre u toku korištenja prava - u trajanju od 45 dana nakon smrti djeteta (30% od prosječne plaće). . . . . 180,00 KM

**4. Jednokratna pomoć za opremu novorođenog djeteta**

(35% od prosječne plaće) 210,00 KM

**5. Pomoć u prehrani djeteta do šest mjeseci ili dodatna ishrana za majke dojilje (8% od prosječne plaće) ostvaruje se u vidu mjesečnog naturalnog davanja u prehranbenim proizvodima . . . . . 48,00 KM****6. Smještaj djece u ustanovama predškolskog odgoja**

Visina prihoda po članu domaćinstva vezano za ostvarivanje prava na subvencioniranje troškova boravka djeteta u predškolskoj ustanovi (35% od prosječne plaće) . . . . . 210,00 KM

**7. Zdravstvena zaštita korisnika dječijeg dodatka . . . . . 20,00 KM****8. Zdravstvena zaštita po prijavljenom djetetu iz čl. 146. Zakona . . . . . 20,00 KM**

## Član 5.

Ova instrukcija stupa na snagu narednog dana od objavljivanja u "Službenim novinama Kantona Sarajevo".

Broj 13-04/2-02-17474/17

03. maja 2017. godine

Sarajevo

Ministrica

Amela Dautbegović, s. r.

**OPĆINA CENTAR SARAJEVO****Općinsko vijeće**

Na osnovu člana 46. Zakona o budžetima u Federaciji Bosne i Hercegovine ("Službene novine Federacije BiH", br. 102/13, 9/14, 13/14, 8/15, 91/15, 102/15, 104/16), i člana 10. i 68. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinsko vijeće Općine Centar Sarajevo je, na 10. redovnoj sjednici održanoj dana 15.05.2017. godine, donijelo

**ODLUKU****O IZMJENAMA I DOPUNAMA ODLUKE O IZVRŠAVANJU BUDŽETA OPĆINE CENTAR SARAJEVO ZA 2017. GODINU**

## Član 1.

U Odluci o izvršavanju Budžeta Općine Centar Sarajevo za 2017. godinu ("Službene novine Kantona Sarajevo", broj 11/17) u členu 8. iza riječi "Kolektivnim ugovorom" dodaju se riječi: "Sporazumom o utvrđivanju osnovice za obračun plaća (broj 01-IV-51-I/16 od 19.12.2016. godine".

## Član 2.

U členu 10. iza stava 4. dodaje se novi stav koji glasi: "Transfer za obuku informatičkih programera realizuje se na osnovu javnog poziva kandidatima te izborom edukacijske kuće putem Službe za privredu i lokalno ekonomski razvoj".

## Član 3.

U členu 11. iza stava 10. dodaje se novi stav koji glasi: "Sredstva transfera za podršku stambenom zbrinjavanju mladih putem ostvarivanja prava na subvenciju plaćenog poreza na promet nepokretnosti ostvaruje se na osnovu javnog poziva i utvrđenih kriterija putem Službe za stambene poslove".  
Dosadašnji stav 11. postaje stav 12.

## Član 4.

U členu 14. iza stava 1. dodaj se novi stav koji glasi: "Sredstva za podršku privrednim subjektima putem regresiranja dijela kamatne stope i sredstva za sufinansiranje troškova doprinosa i poreza za godinu dana kao poticaj za zapošljavanje mladih putem kredibilnih poslodavaca sa područja općine Centar realizuju se na osnovu javnog poziva privrednim subjektima putem Službe za privredu i lokalno ekonomski razvoj".